

20 JAN 1998

IPB CADANG BINA ASRAMA TAMBAHAN

KUALA LUMPUR, Jan 20 (Bernama) -- Institut Professional Baitulmal Sdn Bhd (IPB) bercadang untuk membina sebuah asrama tambahan dengan pelaburan bernilai RM12 juta bagi menampung penambahan pelajar-pelajar instituti itu nanti.

Bangunan 12 tingkat itu dapat menampung 1,500 pelajar, kata pengerusi IPB Tan Sri Hanafiah Ahmad.

Kampus IPB bernilai RM30 juta yang dilancarkan Perdana Menteri Datuk Seri Dr Mahathir Mohamad hari ini mempunyai dua buah asrama dan IPB ada 766 orang pelajar sekarang, kata Hanafiah lagi.

Jumlah pelajar dijangka meningkat kepada 1,600 orang menjelang tahun 1999 dan 2,500 pelajar pada tahun 2001, dan oleh itu beliau menyeru institusi-institusi serta badan-badan yang berminat untuk melabur dalam pembinaan asrama tambahan yang dicadangkan itu.

Menurutnya pembinaan itu boleh dilakukan secara swasta berkonsepkan bina- operasi-pindah (BOT) dengan konsesi 15 - 18 tahun dan pulangan bersih sebanyak 13 peratus setahun.

Sementara itu, di majlis pelancaran itu, Pengerusi Majlis Agama Islam Wilayah Persekutuan, Datuk Dr Abdul Hamid Osman berkata pungutan zakat (di Wilayah Persekutuan) pada tahun 1997 berjumlah RM52 juta. -- BERNAMA

SHO MA